



ACORDO PARA A APROBACIÓN DO PROXECTO DE ORZAMENTOS PARA O ANO 2020 DO CONCELLO DA CORUÑA

Os Grupos Municipais do PSdeG-PSOE, Marea Atlántica e Bloque Nacionalista Galego, despois de manter un fructífero diálogo, ACORDAN impulsar un proxecto de Orzamentos para o ano 2020 do Concello da Coruña baixo as seguintes bases políticas e programáticas:

- O impulso ás políticas de dinamización económica, unha clara aposta polas políticas de benestar social e un firme compromiso co medio ambiente, con especial incidencia na mobilidade urbana.
- O apoio a un orzamento expansivo, que reforce tanto o investimento como o gasto social favorecendo a mellora dos servizos públicos municipais.
- A distribución dos fondos públicos tendo en conta todos os barrios da cidade, favorecendo o dereito á vivenda e o benestar de proximidade.
- A aposta pola políticas de igualdade.
- A defensa dos intereses da cidade, por riba de calquera interese partidario. Reclamarase á Xunta de Galicia e ao Goberno do Estado os investimentos necesarios para o desenvolvemento económico e social da Coruña e da súa área metropolitana.

O proxecto de Orzamentos para o ano 2020 é o resultado dun proceso de diálogo entre o goberno municipal e os grupos municipais da Marea Atlántica e do Bloque Nacionalista Galego, coa vista posta en dotar a nosa cidade duns orzamentos netamente progresistas e comprometidos coa Coruña.



O acordo que respalda o proxecto de orzamentos para o ano 2020 permitirá:

- O reforzo dos servizos públicos municipais incrementando as partidas destinadas a dotar de máis persoal a departamentos centrais (servizos sociais, contratación, etc).
- O incremento do gasto social, afortalando as políticas de benestar, ampliando o Servizo de Axuda no Fogar, ampliando as partidas destinadas a emerxencia e renda social, e creando novas prestacións.
- Establecer a gratuidade das escolas infantís municipais (0 a 3 anos), consolidar os programas educativos, as bolsas de estudo no estranxeiro e incrementar os recursos destinados ás políticas de igualdade.
- Incrementar a partida de investimentos, con numerosas actuacións que se estenderán aos diferentes barrios da cidade e que permitirán contribuir ao desenvolvemento económico e ao equilibrio territorial da cidade.
- Garantir o compromiso do Concello da Coruña coa dinamización económica e a xeración de emprego, a través de distintas medidas como a creación dun Consello Económico e Social, a elaboración dun plan de desenvolvemento e industrialización para A Coruña e área metropolitana, a elaboración dun plan de dinamización do comercio ou a realización dun estudio para avaliar a posta en marcha dunha bolsa de baixos comerciais en réxime de aluguer.
- O reforzo ás políticas orientadas a garantir o dereito á vivenda, mediante o impulso á rehabilitación e eficiencia enerxética e a creación dunha bolsa de vivenda en aluguer.
- A aposta polas políticas medioambientais, con especial incidencia na constitución dun operador enerxético municipal que impulse políticas de transición enerxética e na expansión e mellora das zonas verdes da cidade.
- O reforzo da Rede de Centros Cívicos municipais, con numerosas actuacións que permitan manter e mellorar os equipamentos veciñais.



- A reforma global do mapa das liñas do autobús urbano, co obxectivo de aumentar as frecuencias nos barrios peor comunicados hoxe, así como nos principais nodos de actividade diaria na cidade
- Traballar por unha cidade accesible, camiñable co redeseño de vías, prazas, parques e rotondas, de maneira que se acurten camiños e minimicen os rodeos
- Reforzar o compromiso das políticas municipais coa cultura e a lingua galega

Os grupos municipais de PSdeG-PSOE, Marea Atlántica e BNG acordamos sumar esforzos, construíndo unha maioría de carácter progresista e galeguista co obxecto de sacar adiante os orzamentos para o ano 2020, favorecendo así a implementación das políticas transformadoras que demandan as veciñas e os veciños da nosa cidade.

A Coruña 23 de decembro de 2019

INES REY GARCIA

FRANCISCO JORQUERA CASELAS

MARIA GARCÍA GÓMEZ